

526
388<19

木部

荆

金櫻子木縣

石南

南燭

紫荊

柞木

鬼箭木

寓木部

茯苓

茯神

琥珀

豬苓

桑寄生雷丸

芭木部

竹

第十九本



實氣味苦微寒無毒 別錄曰辛平溫 潔古曰

味辛溫氣清陽中之陰入太陽經 主治涼諸經

血潔古益氣別錄利關節日華子利九竅治筋骨間寒熱

溼痺拘攣本經搜肝風好古散風邪治太陽風頭痛頭

沉昏悶除昏暗潔古明目本經止目睛內痛潔古及目淚

出別錄方書主治中風頭痛眩暈癰瘰頸項強痛

腰痛痞痺行痺着痺攣其治目病甚多耳鼻齒亦

用之時珍曰蔓荊氣清味辛體輕而浮上行而

散故所主者皆頭面風虛之證 希雍曰蔓荊實

稟陽氣以生兼得金化而成神農味苦微寒無毒

別錄加辛平溫察其功用應是苦溫辛散之性而
寒則甚少也氣清味薄浮而升陽也入足太陽足
厥陰兼入足陽明經 愚按溫涼寒熱爲天之四
氣在本草止言溫熱寒不言涼但有言微寒者先
哲已道及之希雍不察而妄與本經相駁則大誤
矣。

愚按蔓荊春因舊枝而生小葉至夏茂盛有花作
穗是秉乎春溫之氣以生夏熱之氣以長也九月
結實是更因乎深秋涼降之氣以成也故其味始
嘗之多苦後味之有辛更有微涼正其氣化之應

乃爾繆氏所謂稟陽氣以生兼得金化以成者是也。凡物貴其生而必稽其成是以結爲實者入土而還生爲枝爲葉爲花爲果皆其仁中之包孕然則蔓荆子之結於深秋豈非舉春溫夏熱之氣盡橐籥變化於此時乎先哲曰假令自地而升天非苦無以至地非溫無以至天故用苦溫之劑從地而發至天假令自天而降地非辛無以至天非涼無以至地故用辛涼之劑從天而引至地涼固在天之陰而降地者也然則蔓荆以九月結實從苦溫而成於辛涼是以升天始以降地終者也夫有

本草綱目卷之二十四 溫升 溫升乃有涼降然有涼降乃以成其溫升蓋陽不

得陰則陽無以化也東垣曰諸陽氣皆根於陰血陰受火邪則上乘陽分而陽道不行之數語者是故不使火邪乘於陽分且陽得陰以化而陽道行矣第用者類以爲風劑亦謂其辛溫能升散耳孰知有妙於涼降以成其溫升不使陽之真氣化爲

風者乎故凡方書中用療風證須先識此義也

涼血

則陽得陰以爲守而風木之氣化自平故此味似專從內風以爲其功不得槩同於諸風劑論也

或曰本經首言其治筋骨間寒熱溼痺拘攣必其



功用關切。然止是涼血之故歟。抑亦不離於溫升之陽歟。曰。人身筋骨全藉經脈之貫注。而經脈之所以貫注者。此精專之營氣也。雖水穀之悍氣入衛。不能入於脈。然衛氣充周。和調五臟。灑陳六腑。乃能入於脈。是有充周之氣。乃有精專者以入於營。固無二氣也。後所謂以陰而達陽。卽由陽以徹陰。其義悉於此段。然則如上主治。豈能外於溫升之氣乎。第溫升之氣無涼降。則陽中無陰。與經所謂至陰虛。天氣絕者。無二義也。唯此味本溫升之氣。以歸涼降。有陰降而陽隨之化機。故能使陽入陰中。而營氣得以貫注。能

爲筋骨之利如是耳。先哲曰：營之機不動，則衛氣不布。斯語可互爲叅也。試卽中風伏虎丹以治癱瘓，拯濟換骨丹以治半身不遂，又痺證如茯神湯以療心痺，小烏犀湯以治行痺，神效黃耆湯、蔓荊子湯、苦參湯以療着痺。諸方中有一不由於營衛之合，以致其用乎？更叅苦參湯，乃治營虛胃實而肌肉不仁者，則知茲味之用，固以陰而達陽，卽由陽以徹陰也。如潔古謂其涼諸經血，又曰氣清，別錄更言其益氣，不謂明悉其功用，又在此數言乎哉？抑涼血益氣，妙以清氣爲關捩子。如中風諸劑

中有同他味以祛風除昏悶者。療精神昏濇者。又
如頭痛諸劑中。有同他味而藉以治頭旋眼黑者。
有於療風熱清鬱熱中。少同他味以清氣者。不知
眩暈諸劑中。有同他味治風頭旋。眼目昏痛。甚則
起欲倒者。有同他味治風頭旋。更筋脈拘急。肢節
煩疼者。蓋其氣清者。陽得陰以化。東垣所謂陽道
得行。卽此是氣益矣。故氣虛而頭疼者。氣虛而着
痺者。氣虛而胸次痞者。率於補氣中用之。是不可
想見其氣清卽氣益之微義歟。然則並能化陽氣
之冥者。抑又何歟。曰。氣之虛者欲補。而此能清其

氣以達之氣之冥者欲散而此能清其氣以化之
總之於氣胥益也試觀瘕瘕一證如牛黃散治其
虛胃風湯獨活散治其實是非明證乎哉抑何以
於頭目爲先也蓋陽氣先於天表而乃及於經脈
正所謂衛氣充周而後精專者入於脈也或曰此
味當先入何經乃合於涼血卽奏益氣之功歟曰
先哲有云手太陽小腸受邪蔓荊子除之細參此
經之治於斯義最爲親切矣夫心爲火主氣者火
之靈也而小腸與之合心不司氣化而小腸爲心
司氣化之權又心主血而小腸卽爲血化之府東



金櫻子

垣所謂諸陽氣根於陰血者也。況小腸經脈上會
諸陽於督，下會諸陽於任，其上而受諸陽之施化
者，實下而根抵於真陰之熏蒸也。是所謂小腸之
邪，卽病於氣化不清，除小腸之邪，非卽涼血而令
氣清氣清而令氣益乎哉。然則潔古所云入太陽
經者，固包舉手足經而言，止謂入足太陽者誤。至
於別入某經某經，乃粗工影響之說，其誤更甚矣。
修治 去膜打碎用

時珍曰：山林間甚多花，最白膩，其實大如指頭狀。

如石榴而長其核細碎而有白毛如營實之核而
味甚清 四月開白花夏秋結實九十月霜熟時
采不爾反令人利

子 氣味酸清平無毒 主治脾泄下痢止小便

利瀉精氣

蜀木
草

希雍曰金櫻子得陽氣而兼木

化故其味酸清氣平溫無毒氣薄味厚陰中陽也

之頤曰瀉可去脫開腸洞泄便溺遺失精氣溢

寫以及血液妄行寢汗不禁皆脫也雖然瀉可待

滑收可待脫還須裁其本度其標評其後先定其

緩急不獨可以待諸標本亦可以順諸流行矣

愚按金櫻子之味酸。漚氏以爲兼木化。殊不知並同金化也。夫木之味酸。乃陰不能遽致於陽也。金之味漚。乃陽不得卽達於陰也。是皆氣化爲之。先而不得流暢。故歸之於味耳。然則陰陽之氣俱脫者。此皆可以對待之矣。第應節而投之。頤之言可采也。

希雍曰泄瀉由於火熱暴注者不宜用小便不禁及精氣滑脫因於陰虛火熾而得者不宜用

修治 沈存中筆談云金櫻子止遺泄取其溫且

漚也世人待紅熟時取汁熬膏味甘全斷漚味都

全失本性大誤也惟當取半黃者乾搗末用之

金櫻根

按本草言其氣味與子同故用之治陽

證脫肛見準繩

又本草綱目用東行根同糯米

水煎空心服下寸白蟲言其神效又言煎醋服化

骨硬

木綿

時珍曰木綿有草木二種交廣木綿樹大如抱其
枝似桐其葉大如胡桃葉結實大如拳此似木之
木綿也江南淮北所種木綿四月下種莖弱如蔓
高者四五尺葉有三尖如楓葉結實大如桃此似

草之木綿也此種出南番宋末始入江南今則徧
及江北與中州矣不蠶而綿不麻而布利被天下
其益大哉

子氣味辛熱微毒 希雍曰得地中之陽氣復感

秋金之氣以成其味辛其氣熱其性有毒入肝入

腎祛風溼寒溼之藥也惟其辛故能散風邪惟其

熱故能除寒溼凡下部有風寒溼邪者宜之然而

性熱有毒肝腎虛者不宜用一切陰虛火熾痿弱

下體無力者咸忌之

石南

時珍曰生於石間向陽之處故名石南之才

曰五加皮爲之使惡小薊

宗奭曰石南葉似枇杷葉之小者而背無毛光而不皺凌冬不凋正二月間開花冬有二葉爲花苞苞旣開中有十五餘花大小如椿花甚細碎每苞約彈許大成一毬花旣開蕊滿花但見蕊不見花花纔罷去年綠葉盡脫落漸生新葉京洛河北河東山東頗少人故少用湖南北江西二浙甚多故人多用 魏王花木志云南方石南樹野生二月開花連着實實如燕覆子八月熟民采取核和魚羹尤美今無用者

葉氣味辛苦平有毒

主治益腎氣內傷陰衰

本經

療脚弱五臟邪氣除熱

別錄

利筋骨皮毛

本經

殺蟲逐

諸風

甄權

浸酒飲治頭風

時珍

女子不可久服令思男

別錄

恭曰石南葉爲療風邪丸散之藥

時珍

曰

古方爲治風痺腎弱要藥今人絕不知用識者亦

少蓋由甄氏藥性論有令陰痿之說也殊不知服

此藥者能令腎強嗜欲之人藉此放恣以致痿弱

歸咎於藥良可慨也 希雍曰石南得火金之氣

故其味辛苦氣平有毒然觀其用當是金勝火微

其性應云有小毒可升可降陰中陽也人足厥陰

足少陰經少陰屬水得金氣之厚者能生水故主

石南葉

本草

卷之二十一

灌木部

七

還真山房



養腎氣又腎爲陰中之陰肝爲陰中之陽二經俱在下而主筋骨二經得所養則內傷陰衰自起筋骨皮毛自利而脚弱自健也溼熱之邪留滯五臟則筋骨皮毛氣血皆爲之病邪熱散則諸病自瘳矣 同巴戟天肉蓯蓉瑣陽鹿茸枸杞子山茱萸治腎經虛寒精滑精冷 同白蒺藜桑葉何首烏淫羊藿巴戟天五加皮兎絲子威靈仙虎骨治肝腎爲風寒溼所乘以致痺弱不能行動 愚按石南在本經所云益腎氣者是益腎中之陰氣故下卽以內傷陰衰應之別錄言女子不宜久